

Puka Whakamōhio Kaiwhakauru



Te Rā i Whakaputaina ai Te Puka Whakamōhio Kaiwhakauru:

23 o Hōngongoi 2019

Ingoa o te Kaupapa

The New Zealand Care Workforce Survey 2019

He pōwhiri

Ko Associate Professor Katherine Ravenswood rāua ko Dr Julie Douglas ō māua ingoa, nō Te Wānanga Aronui o Tāmaki-makau-rau (AUT) māua. E whakahaere ana māua i tētahi uiui mō ngā wheako mahi a ngā kaimahi tautoko, tiaki anō hoki, a ngā nēhi kua uru, kua rēhita hoki me ngā kaiwhakahaere i ēnei wāhi mahi: ngā whare tiaki kaumātua, ngā ratonga tiaki i te kāinga me te hapori, ngā ratonga tautoko hauā, tae atu ki te rāngai mate hinengaro, waranga anō hoki.

He tono tēnei kia whai wāhi mai koe ki tēnei uiui mēnā rā e hiahia ana koe – kei a koe te tikanga. Ka noho tapu ō whakautu. E kore tētahi (tae atu ki ngā kairangahau) e mōhio mēnā i oti i a koe te uiui, kāore rānei. Ka āhei te whakautu tonu i ētahi atu pātai o te uiui ki te waiho e koe tētahi pātai i tētahi whārangi, ā, ka wātea hoki koe ki te waiho i tēnei uiui ina hiahia koe.

He aha te take o tēnei rangahau?

Mā tēnei uiui e whānui ake ai ō māua mōhioanga ki te āhua o te mahi i roto i ēnei rāngai tiaki. Mā tēnei uiui e pai ake ai pea ngā kaupapa here me ngā tikanga mahi. Ka whakaputaina ngā putanga o te rangahau i tētahi pūrongo ka wātea kau. Ka whakamahia pea ngā putanga o tēnei rangahau i ngā whakaaturanga ā-hui, ā, ka whakaputaina hoki pea i tētahi, i ētahi pūrongo rānei.

I pēhea te tautuhia mai ōku, ā, he aha ahau e pōhiritia nei kia whai wahi ki tēnei rangahau?

E whai wāhi ai koe ki tēnei rangahau, me:

- kaimahi tiaki, tautoko rānei; me nēhi kua uru, kua rēhita RĀNEI; me kaiwhakahaere RĀNEI koe.
- Me mahi koe i tētahi o ēnei wāhi mahi: i ngā whare tiaki kaumātua rānei, i ngā ratonga tiaki i te kāinga, i te hapori rānei, i ngā ratonga tautoko hauā, i te rāngai mate hinengaro, waranga hoki.

He aha te mahi i tēnei rangahau?

Ka pau pea te 15 meneti i te whakaoti i ēnei uiui. Kāore e taea e ngā kaiwhakautu ā rātou raraunga te unu mai kia oti te uiui te tuku mai, nā te mea kei te noho muna ngā raraunga katoa, me te aha, kāore e taea te tautuhi atu.

He aha ngā uaua me ngā tūraru?

Ko tōna tikanga, kāore e pā ētahi uaua, ētahi tūraru rānei ki a koe i tēnei mahi. KĀORE māua i te kohi i tō ingoa ake, nō reira e kore koe e tautuhia whaiarotia. Kāore māua e mōhio nā tēhea kaimahi i whakaoti te uiui, nō reira ka noho muna koe, ā, e kore tērā e rawekehia. Kia mutu, ka tāpirihia ō whakautu ki ētahi atu, kātahi ka arohaehaetia i te taumata hiatonga anahe.

Me pēhea te whakamāmā i ēnei uaua me ēnei tūraru?

Kāore ngā raranga e whakaaturia ki tētahi nō waho i te rōpū rangahau, ā, ka tiakina ngā tuhinga, me he tuhinga, i tētahi kōnae ka taea te raka i Te Wānanga Aronui o Tāmaki-makau-rau (AUT). Hei whakaū noa, ka noho muna ō whakautu, ā, korekore rawa e taea ngā kaiwhakautu te tautuhi.

He aha ngā painga?

Mā tēnei uiui e whānui ake ai ngā mōhiotanga ki te āhua o te mahi i ngā whare tiaki kaumātua, i ngā ratonga tiaki i te kāinga me te hapori, i ngā ratonga tautoko hauā me te rāngai mate hinengaro, waranga hoki. He wāhanga nui ēnei o te hauora o ngā tāngata o Aotearoa, nō reira he mea nui te whai māramatanga mō ērā e whakarato nei, e whakahaere nei hoki i ngā ratonga tiaki. Ka whakaputaina tētahi pūrongo i te Uiui. Ka wātea kau tēnei hei whakamahi mā wai rā hei tautoko i ngā rerekētanga i ngā kaupapa here ā-wāhi mahi, ā-rōpū mahi hoki. Ko ētahi atu putanga pea, ko ngā whakaaturanga ā-hui me ngā whakaputanga tuhinga pūrongo.

Me pēhea te tiaki i taku noho matatapu?

I kīia i mua ake rā, ka noho muna ngā whakautu, ā, ka noho tapu hoki ngā pārongo katoa mōu, ka puritia hoki ngā raraunga i tētahi kōnae ka taea te raka i AUT. Kāore ēnei pārongo e wātea ki ētahi, atu i ngā kairangahau.

Me pēhea taku whakaae kia whai wāhi ahau ki tēnei rangahau?

Mā te whakaoti i te uiui ā-ipurangi e whakaae ai koe ki te whai wāhi mai.

Me aha ahau me he māharahara ōku mō tēnei rangahau?

Mō ngā māharahara e pā ana ki te āhua o tēnei kaupapa, me mātua whakapā mai ki te Kaiārahi Kaupapa, ki a Associate Professor Katherine Ravenswood, ki tana īmēra kravensw@aut.ac.nz, waea rānei ki 09 921 9999 ext 5064.

Mō ngā māharahara e pā ana ki te kawenga o tēnei rangahau, me mātua whakapā mai ki te Hēkeretaru Matua o AUTEK, ki a Kate O'Connor, ki tana īmēra ethics@aut.ac.nz, waea rānei ki 921 9999 ext 6038.

Me whakapā ahau ki a wai mō ētahi atu pārongo e pā ana ki tēnei rangahau?

Mō ngā māharahara e pā ana ki te āhua o tēnei kaupapa, me mātua whakapā mai ki te Kaiārahi Kaupapa, ki a Associate Professor Katherine Ravenswood, ki tana īmēra kravensw@aut.ac.nz, waea rānei ki 09 921 9999 ext 5064.

Mō ngā māharahara e pā ana ki te kawenga o tēnei rangahau, me mātua whakapā mai ki te Hēkeretaru Matua o AUTEK, ki a Kate O'Connor, ki tana īmēra ethics@aut.ac.nz, waea rānei ki 921 9999 ext 6038.

Me whakapā ahau ki a wai mō ētahi atu pārongo e pā ana ki tēnei rangahau?

Puritia tēnei Puka Whakamōhio hei titiro māu ā muri ake nei. Ka āhei hoki koe ki te whakapā mai ki te rōpū rangahau e whai nei:

Ngā Pārongo Whakapā Kairangahau:

Ngā Pārongo Whakapā o te Kaiārahi Kaupapa: Associate Professor Katherine Ravenswood, īmēra kravensw@aut.ac.nz, waea 09 921 9999 ext 5064.

Kairangahau Tuarua: Dr Julie Douglas, julie.douglas@aut.ac.nz, 09 921 9999 ext 5141

He mea whakaae e Auckland University of Technology Ethics Committee i te 3/9/2019, AUTEK Reference number 19/256.